



Broj: 01/07-04-2003/25
Datum: 20.03.2025. godine

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 46/06 i 51/09), člana 42. Statuta Grada Sarajeva („Službene novine Kantona Sarajevo“, broj 7/23) i člana 21. stav (2) Odluke o izvršavanju Budžeta Grada Sarajeva za 2025. godinu („Službene novine Kantona Sarajevo“, broj 2/25), gradonačelnik Grada Sarajeva raspisuje:

JAVNI POZIV

za finansijsku podršku centrima za zdravo starenje na području grada Sarajeva

I PREDMET JAVNOG POZIVA

Predmet Javnog poziva je dodjela finansijskih sredstava iz Budžeta Grada Sarajeva za 2025. godinu („Službene novine Kantona Sarajevo“, broj 2/25) udruženjima koja su ostvarila pravo da realiziraju aktivnosti u općinskim centrima za zdravo starenje, sa sjedištem na području grada Sarajeva: općina Stari Grad Sarajevo, općina Centar Sarajevo, općina Novo Sarajevo, općina Novi Grad Sarajevo.

II FINANSIJSKA SREDSTVA

Sredstva za realizaciju Javnog poziva osigurana su u Budžetu Grada Sarajeva za 2025. godinu, u ukupnom iznosu od 80.000,00 KM.

Finansijska sredstva mogu se dodijeliti udruženjima koja provode aktivnosti za osobe treće životne dobi u centrima za zdravo starenje u 2025. godini, a koje doprinose unaprjeđenju zdravlja i kvalitete života osoba treće životne dobi.

Finansijska sredstva ne mogu se dodijeliti za isplate plata i naknada zaposlenih u udruženju, članicama i članovima upravljačkih struktura udruženja, ugovora o djelu, poreza i doprinosa.

Maksimalan iznos sredstava koji može biti dodijeljen udruženju s područja jedne općine je 20.000,00 KM.

III PRAVO PRIJAVE NA JAVNI POZIV

Pravo prijave na Javni poziv imaju udruženja koja su ostvarila pravo da realiziraju aktivnosti u općinskim centrima za zdravo starenje, sa sjedištem na području grada Sarajeva.

IV OPĆI KRITERIJI

- Sjedište udruženja na području grada Sarajeva.
- Opravdana ranije korištena sredstva dodijeljena iz Budžeta Grada Sarajeva.
- Potvrda Općine da udruženje provodi aktivnosti u centru za zdravo starenje.

V POSEBNI KRITERIJI

- Broj korisnika centra/centara za zdravo starenje.
- Relevantnost aktivnosti za treću životnu dob.



VI DOKUMENTACIJA:

1. Zahtjev s opisom aktivnosti i finansijskom konstrukcijom, potpisan i ovjeren od strane odgovornog lica udruženja, ne duži od pet stranica teksta.
2. Izjava da je udruženje opravdalo ranije dodijeljena sredstva iz Budžeta Grada Sarajeva, (ovjerena od nadležnog organa - općina/notar).
3. Rješenje o registraciji udruženja (kopija ovjerena od nadležnog organa - općina/notar).
4. Izvod iz Registra udruženja, ne starije od tri mjeseca (original ili kopija ovjerena od nadležnog organa - općina/notar).
5. Potvrda Općine da udruženje provodi aktivnosti za osobe treće životne dobi u centru/centrima za zdravo starenje u 2025. godini (original ili kopija ovjerena od nadležnog organa - općina/notar).
6. Izjava odgovornog lica udruženja o broju korisnika centra/centara za zdravo starenje (ovjerena od nadležnog organa - općina/notar).
7. Završni godišnji finansijski izvještaj udruženja za prethodnu godinu (dokument Bilans stanja i Bilans uspjeha), ovjeren od strane nadležne Agencije za finansijsko poslovanje (FIA) i certificiranog računovođe (kopija ovjerena od nadležnog organa - općina/notar).
8. Potvrda poslovne banke o solventnosti računa udruženja, ne starija od tri mjeseca (original ili kopija ovjerena od nadležnog organa - općina/notar).

VII ROK PODNOŠENJA PRIJAVE

Krajnji rok za dostavljanje prijave je 03.04.2024. godine.

VIII MJESTO I NAČIN PODNOŠENJA PRIJAVE

Prijava na Javni poziv dostavlja se u zatvorenoj koverti direktno ili putem pošte na adresu:

GRAD SARAJEVO

Ćemaluša 9, 71 000 Sarajevo
s naznakom

JAVNI POZIV

**za finansijsku podršku centrima za zdravo starenje na području grada Sarajeva
- NE OTVARATI -**

Na poledini zatvorene koverta navesti: naziv udruženja, adresu i kontakt telefon.

Sve dodatne informacije mogu se dobiti putem telefona: 033 221 139.

IX ODABIR KORISNIKA

Pregled prijava i dokumentacije vršit će Komisija koju imenuje gradonačelnik posebnim rješenjem.

Prijava na Javni poziv mora sadržavati zahtjev s opisom aktivnosti i finansijskom konstrukcijom, potpisan i ovjeren od strane odgovornog lica udruženja i dokumentaciju propisanu Javnim pozivom.

Prijave koje nisu dostavljene u skladu s naprijed navedenim, nepotpune i neblagovremene prijave neće biti razmatrane. Prijava dostavljena po Javnom pozivu ne vraća se podnosiocu prijave.

Komisija će, nakon obrade i analize pristiglih prijava, gradonačelniku dostaviti listu odabranih udruženja s prijedlogom finansijskih sredstava na potvrđivanje i donošenje konačne odluke. Gradonačelnik Grada Sarajeva će s odabranim udruženjima zaključiti pojedinačne ugovore o realizaciji odobrenih sredstava.

Lista odabranih udruženja objavit će se na službenoj web stranici Grada Sarajeva www.sarajevo.ba.

GRADONAČELNIK
Predrag Puharić